

Dobna diskriminacija ograničava starije osobe

Na Međunarodni dan starijih osoba, koji se obilježava 1. oktobra, između ostalog se naglašava važnost osiguravanja životne sredine koja se može prilagoditi potrebama i sposobnostima stanovnika treće dobi.

Kako je saopćeno iz Institucije ombudsmena za ljudska prava BiH, ove godine u fokusu obilježavanja Međunarodnog dana starijih osoba Ujedinjenih nacija je dobna diskriminacija.

Tema ovogodišnjeg Dana starijih je "Zauzmi stav protiv diskriminacije starijih" i ima za cilj privući pažnju i problematizirati negativne stereotipe i pogrešna shvatanja o starijim osobama i starenju. Ombudsmani ukazuju na potrebu strateškog pristupa rješavanju nagomilanih problema u ovoj oblasti.